



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 19. lib. Genes. in quo describitur humanitas
Loth angelis exhibita, à quibus incendio Sodomæ subducitur, sed in
ebrietate cum propriis filiabus coit.

[urn:nbn:de:hbz:466:1-61252](#)

cunias forsan erigere cupis sumptuosas domus ? eleemosina tibi præparat æterna tabernacula, si largiter eam dederis. Per aurum tuum quæris lauta convivia, opiparas mensas ? eleemosinâ ductrice Angelici convivii hospes eris. Appetis raras & pretiosas vestes ? planè splendidius vestimentum comparari nequit illô palliô, quod aperit multitudinem peccatorum, eleemosina vocatum. Arrident tibi arcuæ, thesauris repletæ ? Deo tuas divitias ad usuram impertire : dabit is thesaurum tibi, in quo sunt omnes thesauri divitarum teste Apostolô, benedictum videlicet filium suum. Quare ex ore Augustini sic alloquitur te Deus : *Sed avarus es ? me conveni : ego filium divitem, pauperem propter te feci. Aurum queris ? ille fecit. Familiam queris ? ille fecit. Possessio-nes queris ? ille fecit. Argentum queris ? ille fecit. Quid queris tantum, quæ fe-
cit ? ipsum accipe, qui fecit. Fæneratur Domino, qui miseretur pauperis.*

Considera porrò : Quanta sit Misericordia Dei : dum tanto numero impiorum inter impurissimos Sodomitas invento, propter decem tantummodo Justos, si reperti fuissent, pepercisset. Parcet haud dubiè etiam tibi peccator propter paucula, si feceris misericordiæ erga pauperes opera. Et licet in peccatis tuis obsnueris : tamen non diffide cum *Sara* ; fore, ut verum pœnitentiæ partum enitaris, dummodo oblatæ gratiæ velis serio cooperari.

Doctrina 2.

Desumpta ex cap. 19. lib. Genes. in quo describitur humanitas Loth angelis exhibita, à quibus incendio Sodoma subducitur, sed in ebrietate cum pro- priis filiabus coit.

Considera 1. **Q**uām sollicitus sit Deus pro illorum salute, qui ob N.30. necessariam vivendi consuetudinem malis coniuncti vivere debent ; ei tamen, quā possunt industriâ, servire student ; Loth enim inter pessimos Sodomitas, quibus convixerat, optimus, Angelos tutelares hîc à Deo recipit, eum ruinæ totius urbis subducentes. Non aliter quilibet servorum Dei : licet non tantum à per- versis cingatur sociis, sed ab ipsis Dæmonum larvis, ruinam haud dubiè evadet. Theophila Virgo in persecutione Diocletiani & Ma- ximiniani ad turpe prostibulum tracta ; cum calidis preciibus Deum castitatis suæ custodem invocasset, angelum Domini lateri suo ad-

E

stan-

stantem quantociùs habuit, factumque est, ut mortuus corrueret ille, qui primus cubile ingredi præsumperat, pudicitia ejus vim illaturus. S. Gregorius Thaumaturgus Cæsareæ ponti Episcopus horrendam persecutionem fugiens: cùm in monte se abscondisset, ab homine quodam proditus, undique armatorum manu cingitur; sed illi omnes oculis capti, nil ante se videre poterant, nisi duas arbores sibi oppositas. S. Greg. Nazianz. in vita ejus. Et quis nescit: S. Felicem Presbyterum Nolanum inter duos parietes arenarum telis esse defensum à lictoribus? quid igitur Christiane sive in anima sive in corpore ab hostibus timeas mali, si Deum timeas eumque piorum more colas semper? Apostolicam navem intuere, inter procellas fluctuantem & ruinæ vicinam audi exclamare: Domine, salva nos, perimus. Matthæi 8. Diceres quidem, illam divinâ ope destitui, dum cernis: Magistrum dormire; sed somnus iste vel maximum futuræ opis indicium erat. Dormiebat hércole, ut servos suos pupillam oculorum suorum esse, & velut talem à se conservari ostenderet: sicut enim palpebris clausis pupilla oculi servatur illæsa, ita Magister cœlestis, ut à spumantibus undis discipulos defendenter, in tuto ponendos, palpebras claudit; demonstrans, eos haud aliter, quam pupillas oculorum à se protegendos. Ingeniosus hic conceptus Lirani est, in hunc locum ita scribentis: Custodivit eos, sicut custoditur pupilla oculi: licet enim Christus permiserit, eos tunc corporaliter perturbari; tamen sollicitè custodivit eos sicut pupillam oculi sui &c.

N.31. Considera 2. Quomodo homines, qui Sodomitarum instar querunt suas libidines explere, excæcari soleant; adeò, ut imprimis non videant jacturam divinæ gratiæ & flumen æternæ damnationis, eorum capitibus imminens: ut pariter non videant dispendia famæ, honoris, divitiarum & sanctitatis: demum, ut non videant copiam emergendi, si carnalibus vitiis aliquando fuerint inmersi. Hanc cætitatem ponderosis describit verbis S. Greg. M. in Moral. dicens: Ex quo luxuria semel mentem occupaverit, vix eum bona cogitare permittit: sunt enim desideria viscosa; quia ex suggestione oritur cogitatio, ex cogitatione affectio, ex affectione delectatio, ex delectatione consensus, ex consensu operatio, ex operatione consuetudo, ex consuetudine desperatio, ex desperatione peccati defensio, ex defensione gloriatio, ex gloriacione damnatio. Quis Salomoni clarissimos sapientiæ infusa oculos eruit, ut relicto Deo Idola sectaretur, nisi impurus fœminarum amor? in quantum cætitatem devolutus est luci-

lucidissimum illud Christianæ Ecclesiæ Sydus Henricus VIII. Angliæ Rex ob impurum amorem, ut legitimam conjugem, jam prole masculâ donatam, post viginti annos è throno suo propelleret, loco illius ducens unam è gynecæo desumptam mulierem, solâ deformitate celebrem? erat illi oblonga facies, capillus niger, color subflavus, os unō dente ex superiori gingiva proeminente defcedatum: in dextra manu sextus adnascebatur digitus, sub collo ferebat tumorem, cuius causa collum & pectus operiebat *Florim. lib. 6. her. c. 2.* ò quām enorme monstrum adamavit cæcus iste amator? post stupratam Matrem, ipsam filiam duxit, idque ex sententia adulatoris non gravius peccatum esse censuit: quām gallinæ pullum & matrem ejus comedere? quanta hæc cæcitas? ex qua dein plures aliæ, æternū deridendæ, ortum suum traxere. Nihil hîc referam de nota Thelstimi cæcitate, qui ob immōdicum veneris usum, oculis graviter laborans: cùm audisset, sibi à Venere abstinendum, si oculos servare mallet, responso dedit teste S. Ambrosiô lib. 4. in *Luc. Vale amicum lumen.* Ad luxuriam autem, quæ enarratas hasce cæcitates parturit, vel maximè disponit, vinum largius haustum: nam venter merð astuans, ut asserit Hieron. citò sumat in libidinem; prout Loth, cæteroquin inter impurissimos Sodomitas castissimus, suō lapsu probavit; dum ebrius adē obcæcatus est, ut propriis filiabûs abuteretur. Quare si & tu ò Christiane nolis, tam nocivâ cæcitate percuti, fuge vinum, in quo est luxuria.

Doctrina 3.

Desumpta ex cap. 20. lib. Genesij in quo describitur Raptus Saræ perpetratus ab Abimelech, qui à Deo in visione reprehenditur.

Considera: **E**xterna Christiane pietatis opera, quò fuerint pulchrio. *N. 32.*
Era & magis à Sanctitate splendida, eò magis obnoxia esse periculo: ne à vana gloria & laudis humanæ appetitu rapiantur corrumpenda, instar pulcherrimæ Saræ ab Abimelech raptæ. Quare, ut ab isto periculo reddantur immunia, oportet ea tegere velò bonæ intentionis, quod velum nobis Christus suadet, asserens Matthæi 5. *Videant opera vestra bona, & glorificant Patrem vestrum, qui in Cœlis est. Ut enim fructus arborum, quæ juxta viam publicam plantatae sunt, raro-*
ma-
E 2